

## Члан 14.

(Надлежност за спровођење овог закона)

За спровођење ревизије, у складу с овим законом, надлежно је Федерално министарство, Федерални завод ПИО/МИО и Институт за медицинско вјештачење здравственог стања.

## IX. ПРЕЛАЗНЕ И ЗАВРШНЕ ОДРЕДБЕ

## Члан 15.

(Надлежност Федералног министарства за поступак редовне ревизије по Закону о правима бораца и чланова њихових породица)

- (1) Овим законом извршиће се ревизија свих рјешења бораца који су, у складу са Законом о правима бораца и чланова њихових породица, у прописаном року поднијели захтјев за остваривање права, а након окончања поступка увођења у право.

## Члан 16.

(Средства за имплементацију овог закона)

- (1) Влада Федерације Босне и Херцеговине ће обезбиједити кадровске и материјалне претпоставке за спровођење овог закона.
- (2) У Буџету Федерације Босне и Херцеговине обезбиједиће се средства за трошкове који настану у поступку издавања нових налаза и мишљења специјалистичких здравствених установа за оне кориснике права које надлежни Институт упути на преглед, због потребе доношења коначног налаза и мишљења и остале поступке ревизије по овом закону.
- (3) Институт за медицинско вјештачење ће, у сагласности са федералним министром, утврдити посебну цијену за издавање налаза и мишљења о поступку ревизије по овом закону.

## Члан 17.

(Прописи које доноси федерални министар)

- (1) Уз сагласност Владе Федерације Босне и Херцеговине, федерални министар ће у року од 15 дана од дана ступања на снагу овог закона донијети ближе прописе и то:
- правилник о формирању и раду ревизорских тимова и Ревизорског тима за координацију;
  - упутство о коришћењу документације из Архива и потребне инструкције, као и садржај образаца;
  - споразум с Институтом о спровођењу ревизије, у складу с овим законом;
  - правилник о начину и поступку вршења ревизије по овом закону.

## Члан 18.

(Почетак и трајање исплате)

Све исплате извршене до ступања на снагу овог закона су дефинитивне и коначне.

## Члан 19.

(Равноправност полова)

Све именице које се односе на носиоце појединих права, употребљене у овом закону само у мушком или само у женском роду, односе се на оба пола.

## Члан 20.

(Ступање на снагу Закона)

Овај закон ступа на снагу наредног дана од дана објављивања у "Службеним новинама Федерације БиХ".

Председавајући Дома народа Парламента Федерације БиХ <b>Стјепан Крешин</b> , с. р.	Председавајући Представничког дома Парламента Федерације БиХ <b>Сафет Софтић</b> , с. р.
---	---

На основу члана IV.B.7. а)(IV) Устава Федерације Босне и Херцеговине, donosim

## UKAZ

### O PROGLAŠENJU ZAKONA O PROVOĐENJU KONTROLE ZAKONITOSTI KORIŠTENJA PRAVA IZ OBLASTI BRANILAČKO-INVALIDSKE ZAŠTITE

Proglašava se Zakon o provođenju kontrole zakonitosti korištenja prava iz oblasti branilačko-invalidske zaštite koji je donio Parlament Federacije BiH na sjednici Predstavničkog doma od 22. decembra 2009. godine i na sjednici Doma naroda od 22. decembra 2009. godine.

Broj 01-02-558/09  
29. decembra 2009. godine  
Sarajevo

Predsjednica  
**Borjana Krišto**, s. r.

## ZAKON

### O PROVOĐENJU KONTROLE ZAKONITOSTI KORIŠTENJA PRAVA IZ OBLASTI BRANILAČKO-INVALIDSKE ZAŠTITE

## I. OSNOVNE ODREDBE

## Члан 1.

(Korisnici prava koji podliježu kontroli zakonitosti)

Ovim Zakonom uređuju se uvjeti, način i postupak provođenja kontrole zakonitosti korištenja prava svih korisnika prava ostvarenih prema propisima iz oblasti branilačko-invalidske zaštite i povoljnijeg penzionisanja (u daljnjem tekstu: revizija) i to:

- Zakona o pravima branilaca i članova njihovih porodica ("Službene novine Federacije BiH", br. 33/04, 56/05 i 70/07);
- Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH", br. 70/05, i 61/06);
- Zakona o pravima demobiliziranih branilaca i članova njihovih porodica ("Službene novine Federacije BiH", br. 61/06, 27/08 i 32/08);
- Uredbe o povoljnim uslovima za sticanje prava na starosnu penziju vojnih osiguranika Vojske Federacije Bosne i Hercegovine ("Službene novine Federacije BiH", br. 02/00 i 21/01);
- Uredbe o povoljnim uslovima za sticanje prava na starosnu penziju vojnih osiguranika Vojske Federacije Bosne i Hercegovine ("Službene novine Federacije BiH", br. 18/04, 27/04 i 47/04);
- Uredbe o sticanju prava na starosnu penziju pod povoljnim uvjetima pripadnika bivše Vojske Federacije Bosne i Hercegovine i državnih službenika i namještenika bivšeg Federalnog ministarstva odbrane ("Službene novine Federacije BiH", br. 75/06, 58/07, 89/07 i 31/08).

## II. DEFINIRANJE REVIZIJE

## Члан 2.

(Šta revizija podrazumijeva)

- Pod revizijom, u smislu ovog Zakona, podrazumijeva se preispitivanje svih uvjerenja o svojstvu (pripadnosti) i okolnostima pod kojima je lice ranjeno, povrijeđeno, oboljelo ili je došlo do pogoršanja bolesti, poginulo, umrlo ili nestalo, na osnovu kojih su priznata određena prava iz oblasti branilačko-invalidske zaštite i dokumentacije na osnovu koje su izdata ta uvjerenja.
- Revizija podrazumijeva provjeru i sravnjavanje podataka iz vojnih evidencija koje su izdavale vojne jedinice, a kojima raspolaže Federalno ministarstvo za pitanja boraca i invalida odbrambeno-oslobodilačkog rata (u daljnjem tekstu: Federalno ministarstvo) sa podacima koji se nalaze u Arhivu Armije RBiH, Arhivu Hrvatskog vijeća obrane i Arhivu Ministarstva unutrašnjih poslova (u daljnjem tekstu: arhiva) i uvjerenjima o neisplaćenim vojničkim plaćama. Ukoliko se utvrdi razlika između podataka kojima raspolaže Federalno

ministarstvo sa podacima arhiva, nadležnost podataka utvrdit će revizorski tim u svakoj konkretnoj situaciji.

- (3) Kada se prilikom provjere i srađivanja podataka iz vojnih evidencija (posebno pri nepostojanju uvjerenja o neispaljenim vojničkim plaćama) utvrdi nedostatak originalnih uvjerenja u roku od 30 dana provest će se dodatna provjera načina utvrđivanja prava.
- (4) Revizija podrazumijeva i preispitivanje validnosti medicinske dokumentacije kao i utvrđenog procenta vojnog invaliditeta u svim predmetima.
- (5) Revizija podrazumijeva i reviziju svih rješenja kojima su priznata prava na ličnu invalidninu, dodatak za njegu i pomoć drugog lica, ortopedski dodatak, porodičnu invalidninu, uvećanu porodičnu invalidninu, mjesečni novčani dodatak za dobitnike ratnih priznanja ili odlikovanja, osnovno osiguranje i penzije ostvarene pod povoljnijim uvjetima, u skladu sa članom 7. stav 1. ovog Zakona.
- (6) Revizija podrazumijeva i reviziju korisnika prava ostvarenih do 06.04.1992. godine.

### III. REVIZIJA UVJERENJA

#### Član 3.

(Revizija uvjerenja)

Revizija uvjerenja, u smislu ovog Zakona, obuhvata provjeru izdatih uvjerenja korisnika prava oružanih snaga BiH (Armija RBiH, HVO i MUP).

### IV. REVIZIJA MEDICINSKE DOKUMENTACIJE

#### Član 4.

(Revizija utvrđenog procenta vojnog invaliditeta i medicinske dokumentacije)

- (1) Nakon izvršene revizije uvjerenja iz člana 3. ovog Zakona izvršit će se revizija rješenja kojima je priznato pravo na vojnu invalidninu, ortopedski dodatak i dodatak za njegu i pomoć od drugog lica koja obuhvata:
  - a) provjeru medicinske dokumentacije o liječenju koja je poslužila kao osnov za utvrđivanje procenta vojnog invaliditeta, ortopedskog dodatka i dodatka za njegu i pomoć od drugog lica;
  - b) provjeru utvrđenog procenta vojnog invaliditeta, stepena ortopedskog dodatka i stepena dodatka za njegu i pomoć od drugog lica, u skladu sa važećim pravilnicima (Pravilnik o radu ljekarskih komisija u postupku za ostvarivanje prava prema Zakonu o pravima branilaca i članova njihovih porodica, Pravilnik o utvrđivanju procenta vojnog invaliditeta, Pravilnik o ortopedskom dodatku vojnih invalida, Pravilnik o dodatku za njegu i pomoć od drugog lica vojnih invalida, "Službene novine FBiH", br. 41/04).
- (2) Nakon izvršene revizije uvjerenja iz člana 3. ovog Zakona izvršit će se revizija rješenja o priznatom pravu na porodičnu invalidninu.

#### Član 5.

(Dokazna sredstva)

- (1) Izvornom medicinskom dokumentacijom smatra se medicinska dokumentacija o liječenju izdata u skladu sa odredbama čl. 43. i 45. Zakona o pravima branilaca i članova njihovih porodica.
- (2) Utvrđivanje da je rana zadobijena pod okolnostima vršenja vojne dužnosti u oružanim snagama vrši se samo pisanim dokaznim sredstvima kao i izvornom medicinskom dokumentacijom o liječenju. Pisanim dokaznim sredstvom, u smislu ovog Zakona, ne smatra se izjava stranke i drugih lica, bez obzira na to u kom obliku je saopštena.
- (3) Utvrđivanje psihosomatskih oštećenja ili poremećaja utvrđuje se na način i u rokovima kako je to propisano čl. 9. i 45. Zakona o pravima branilaca i članova njihovih porodica.

### V. IMENOVANJE I NADLEŽNOST TIMOVA ZA REVIZIJU I POSTUPAK REVIZIJE UVJERENJA

#### Član 6.

(Revizorski timovi)

- (1) Reviziju uvjerenja prema ovom Zakonu vršit će revizorski timovi za kontrolu i Revizorski tim za koordinaciju.
- (2) Revizorske timove za kontrolu imenovat će federalni ministar za pitanja boraca i invalida odbrambeno-oslobodilačkog rata (u daljnjem tekstu: federalni ministar) na zajednički prijedlog kantonalnog ministra, odnosno direktora uprave za pitanja boraca i na prijedlog koordinacije udruženja branilačkih populacija. U revizorske timove bit će uključeni i predstavnici korisnika prava, te na paritetnoj osnovi komponenti Armije RBiH i HVO-a u roku od 15 dana od dana stupanja na snagu ovog Zakona.
- (3) Revizorski timovi će na osnovu originalne službene vojne dokumentacije vojnih jedinica, kojom raspolaže Federalno ministarstvo u Sektoru za pitanja evidencija iz oblasti vojne obaveze - grupama za pitanja evidencija iz oblasti vojne obaveze i samostalnih izvršilaca za pitanja evidencija iz oblasti vojne obaveze u općinama (u daljnjem tekstu: grupe i samostalni izvršiocci) i arhivima, neposrednim uvidom izvršiti provjeru svih uvjerenja o statusu, pogibiji, okolnostima i načinu stradanja pripadnika oružanih snaga.
- (4) Ukoliko se utvrdi da uvjerenja o svojstvu (pripadnosti) i okolnostima stradanja nisu izdata u skladu sa službenim evidencijama, revizorski tim će u svom pismenom izvještaju (na propisanom obrascu) dati nalog nadležnim grupama ili samostalnim izvršiocima da najdalje u roku od osam dana od dana izvršene revizije izdaju novo uvjerenje koje će biti u skladu sa evidencijama vojnih jedinica.
- (5) Za korisnike prava iz stava 4. ovog člana nadležne grupe ili samostalni izvršiocci dužni su na osnovu zapisnika revizorskog tima izdati nova uvjerenja na obrascu FMB-2 najkasnije u roku od osam dana od dana prijema zapisnika i dostaviti ih Federalnom ministarstvu radi obustavljanja isplate i daljnjeg postupanja.
- (6) Federalno ministarstvo će po službenoj dužnosti, na osnovu novog uvjerenja izdatog u skladu sa stavom 5. ovog člana, odmah pokrenuti postupak i prema uvjerenju donijeti rješenje u skladu sa članom 7. stav 2. ovog Zakona.
- (7) U slučajevima da revizorski tim utvrdi da je uvjerenje izdato u skladu sa službenim evidencijama grupe i samostalni izvršiocci izdati će novo uvjerenje na obrascu FMB-1 koje će dostaviti za korisnike lične invalidnine Federalnom ministarstvu radi upućivanja Institutu na provjeru procenta vojnog invaliditeta, stepena ortopedskog dodatka i stepena dodatka za njegu i pomoć od drugog lica i validnosti ostale dokumentacije, a za korisnike porodične invalidnine uvjerenja će se dostaviti općinskim službama za boračko-invalidsku zaštitu radi ulaganja u spis predmeta porodične invalidnine, a koje su dužne na zahtjev Federalnog ministarstva spis dostaviti na reviziju. Federalno ministarstvo će predmete lične invalidnine dostaviti u kantonalna odjeljenja Instituta (član 5. Zakon o osnivanju Instituta za medicinsko vještačenje zdravstvenog stanja "Službene novine Federacije BiH", broj 70/07) radi davanja nalaza i mišljenja.
- (8) Za korisnike prava na penzije ostvarene prema propisima iz člana 1. ovog Zakona izvještaje u kojima se konstatuju povrede propisa Revizorski tim će dostaviti Federalnom ministarstvu koje će izdati nova uvjerenja na obrascu FMB2 i dostaviti ih Federalnom zavodu penzijsko-invalidskog osiguranja (u daljnjem tekstu: Federalni zavod PIO/MIO) radi obustavljanja isplate i poduzimanja mjera iz njihove nadležnosti u cilju vršenja revizije prema ovom Zakonu.
- (9) Federalni zavod PIO/MIO dužan je o poduzetim mjerama pismeno obavještavati Federalno ministarstvo.

- (10) U slučajevima iz stava 8. ovog člana, ako Revizorski tim utvrdi da je uvjerenje izdato u skladu sa službenim evidencijama Federalnog ministarstva, izdat će novo uvjerenje na obrazcu FMB1, koje će dostaviti Federalnom zavodu PIO/MIO radi ulaganja u spis predmeta.

## VI. POSTUPAK REVIZIJE RJEŠENJA

### Član 7.

(Revizija rješenja kojima su priznata prava)

- (1) Sva rješenja kojima su priznata prava na ličnu invalidninu, dodatak za njegu i pomoć od drugog lica, ortopedski dodatak, porodičnu invalidninu, uvećanu porodičnu invalidninu, mjesečni novčani dodatak za dobitnike ratnih priznanja ili odlikovanja, osnovno osiguranje i penzije pod povoljnijim uvjetima, podliježu reviziji u skladu sa ovim Zakonom.
- (2) Na osnovu uvjerenja iz člana 6. stav 5. ovog Zakona u postupku revizije Federalno ministarstvo će sa danom izdavanja novog uvjerenja ukinuti rješenje kojim je bilo priznato neko od prava iz stava 1. ovog člana i samo riješiti upravnu stvar bez pozivanja korisnika prava po bilo kojem osnovu.
- (3) U slučajevima iz člana 6. stav 7. ovog Zakona kada nadležna komisija Instituta utvrdi manji ili veći procent vojnog invaliditeta u odnosu na ranije utvrđeni procent vojnog invaliditeta ili utvrdi vojni invaliditet manji od 20%, ili manji ili viši stepen ortopedskog dodatka ili dodatka za tuđu njegu i pomoć od drugog lica, Federalno ministarstvo će u postupku revizije ukinuti rješenje sa danom donošenja novog rješenja i samo riješiti upravnu stvar, bez pozivanja korisnika prava po bilo kojem osnovu.
- (4) Institut donosi nalaz, ocjenu i mišljenje isključivo na osnovu postojeće medicinske dokumentacije (na osnovu koje je ranije cijenjen) u spisu predmeta i na osnovu pregleda korisnika prava.
- (5) Ukoliko nadležna ljekarska komisija Instituta ocijeni da je potrebno pribaviti nove specijalističke nalaze, uputit će korisnika prava u određenu zdravstvenu ustanovu radi pribavljanja tih nalaza.
- (6) Ukoliko se korisnik prava ne odazove na pregled po pozivu Instituta u roku od 30 dana od dana poziva, privremeno će mu se obustaviti isplata invalidnine. Ukoliko se ne odazove na pregled po ponovljenom pozivu u roku od 90 dana od dana prvog poziva, donijet će se rješenje o prestanku prava koje je do tada koristio sa danom isteka ovog roka.
- (7) Kod korisnika prava kod kojih je vojni invaliditet cijenjen na osnovu pogoršanja stanja oboljenja u skladu sa članom 11. Zakona o pravima branilaca i članova njihovih porodica, ne može se u postupku revizije utvrditi veći procent vojnog invaliditeta od onog koji je utvrđen rješenjem koje se revidira.
- (8) Prilikom imenovanja ljekarskih komisija Instituta postupit će se prema odredbi člana 5. Zakona o osnivanju Instituta za medicinsko vještačenje zdravstvenog stanja u pogledu nacionalnog sastava ljekarskih komisija. Prilikom rada ljekarskih komisija mogu prisustvovati ovlašteni predstavnici udruženja branilačke populacije.
- (9) Protiv rješenja Federalnog ministarstva donesenih u postupku revizije ne može se izjaviti žalba, ali se može pokrenuti upravni spor kod Vrhovnog suda Federacije Bosne i Hercegovine.

### Član 8.

(Spiskovi Federalnog zavoda PIO/MIO)

Na zahtjev Federalnog ministarstva Federalni zavod PIO/MIO dužan je dostaviti spiskove korisnika prava na penziju ostvarenog prema propisima iz člana 1. ovog Zakona u roku od osam dana od dana podnošenja zahtjeva.

### Član 9.

(Uvjerenja koja se stavljaju van snage)

Ako se u postupku revizije uvjerenja o pripadnosti, okolnostima stradanja, uvjerenja o vršenju komandne dužnosti, kao i ostalih uvjerenja utvrdi da su izdata suprotno Zakonu o upravnom postupku ili su izdata u upravnom postupku samo na osnovu izjava svjedoka, potvrde boračkog udruženja ili na osnovu medicinske dokumentacije, a u suprotnosti su sa evidencijama o neisplaćenim vojničkim plaćama stavit će se van snage sa danom izdavanja novog uvjerenja u skladu sa članom 6. stav 5. ovog Zakona.

## VII. KOORDINACIJA I IZVJEŠTAVANJE

### Član 10.

(Revizorski tim za koordinaciju)

- (1) Revizorski tim za koordinaciju vršit će koordinaciju, nadzor i praćenje revizorskih timova za kontrolu.
- (2) Revizorski tim za koordinaciju imenuje predsjednik Federacije Bosne i Hercegovine, uz konsultacije sa potpredsjednicima Federacije Bosne i Hercegovine na usaglašen prijedlog federalnog ministra, kantonalnih ministara i direktora uprava za pitanja boraca i invalida odbrambeno-oslobodilačkog rata, poštujući nacionalni paritet i potpunu transparentnost u radu timova u roku od 30 dana od dana stupanja na snagu ovog Zakona.

### Član 11.

(Izvjешtavanje)

- (1) Revizorski timovi za kontrolu dostavljat će izvještaje o radu federalnom ministru, kantonalnim ministrima i direktorima uprava za pitanja boraca i invalida odbrambeno-oslobodilačkog rata te Revizorskom timu za koordinaciju o svakoj izvršenoj reviziji, a federalni ministar izvještaj o reviziji dostavit će Vladi Federacije Bosne i Hercegovine. Vlada Federacije Bosne i Hercegovine izvještaj o reviziji dostavljat će predsjednici Federacije Bosne i Hercegovine i Parlamentu Federacije Bosne i Hercegovine.
- (2) Federalno ministarstvo Vladi Federacije Bosne i Hercegovine dostavljat će informaciju o postignutim rezultatima revizije najmanje tromjesečno.

### Član 12.

(Sporazum sa ministrom odbrane BiH)

Vlada Federacije Bosne i Hercegovine ovlastit će, u roku od 15 dana od dana stupanja na snagu Zakona, federalnog ministra da potpiše sporazum sa Ministarstvom odbrane BiH o saradnji u postupku revizije prema ovom Zakonu o korištenju podataka iz Arhiva HVO i Arhiva Armije RBiH.

## VIII. KAZNE ODREDBE

### Član 13.

(Prekršaji)

- (1) Novčanom kaznom u iznosu od 1.500,00 KM kaznit će se za prekršaj odgovorno lice iz organa ili institucije, odnosno kaznit će se institucija u iznosu od 15.000,00 KM koja Revizorskom timu ne stavi na raspolaganje potrebnu dokumentaciju, da netačne podatke ili prikrije podatke sa kojima raspolaze.
- (2) Novčanom kaznom u iznosu od 1.500,00 KM kaznit će se za prekršaj član Revizorskog tima koji sačini zapisnik suprotno utvrđenom činjeničnom stanju prilikom vršenja revizije u skladu sa ovim Zakonom.
- (3) Za nepoštivanje rokova iz odredaba ovog Zakona kaznit će se za prekršaj fizičko lice u iznosu od 500,00 KM do 1.500,00 KM, a odgovorno lice u iznosu od 500,00 KM do 3.000,00 KM.
- (4) Lica iz stava 2. ovog člana bit će odmah suspendovana i neće moći biti članovi Revizorskog tima. Prekršaji iz stava 2. ovog člana smatrat će se osnovom za pokretanje disciplinskog postupka.

- (5) Novčanom kaznom u iznosu od 1.500,00 KM kaznit će se za prekršaj lice koje je dalo ili da lažnu izjavu u upravnom postupku priznavanja statusa pripadnosti oružanim snagama, okolnostima stradanja i vršenju zapovjedne dužnosti.
- (6) Novčanom kaznom u iznosu od 1.500,00 KM kaznit će se za prekršaj član ljekarske komisije Instituta za medicinsko vještačenje koji izda nalaz i mišljenje suprotno Zakonu i pravilnicima, a za ovaj prekršaj kaznit će se Institut novčanom kaznom u iznosu od 15.000,00 KM.
- (7) Lica iz stava 6. ovog člana bit će odmah suspendovana i neće moći biti imenovana u bilo koju komisiju ili tijelo koje ima istu ili sličnu nadležnost.
- (8) U slučaju da se utvrdi postojanje osnovane sumnje (davanje lažne izjave, falsifikovana dokumentacija i sl.) revizorski timovi u saradnji sa Federalnim ministarstvom dužni su dostaviti prijave nadležnom tužilaštvu, odmah.
- (9) Za sve utvrđene nepravilnosti koje se utvrde u postupku revizije, odnosno gdje se utvrdi da su raniji nalaz i mišljenje izdati suprotno Zakonu i pravilnicima Federalno ministarstvo će pokrenuti prekršajni postupak, odnosno krivični postupak, za članove ljekarskih komisija odmah.
- (10) Prekršajna odgovornost ne isključuje krivičnu odgovornost.

#### Član 14.

(Nadležnost za provođenje ovog Zakona)

Za provođenje revizije u skladu sa ovim Zakonom nadležno je Federalno ministarstvo, Federalni zavod PIO/MIO i Institut za medicinsko vještačenje zdravstvenog stanja.

### IX. PRIJELAZNE I ZAVRŠNE ODREDBE

#### Član 15.

(Nadležnost Federalnog ministarstva za postupak redovne revizije prema Zakonu o pravima branilaca i članova njihovih porodica)

Ovim Zakonom izvršit će se revizija svih rješenja branilaca koji su u skladu sa Zakonom o pravima branilaca i članova njihovih porodica u propisanom roku podnijeli zahtjev za ostvarivanje prava, a nakon okončanja postupka uvođenja u pravo.

#### Član 16.

(Sredstva za implementaciju ovog Zakona)

- (1) Vlada Federacije Bosne i Hercegovine osigurat će kadrovske i materijalne pretpostavke za provođenje ovog Zakona.
- (2) U budžetu Federacije Bosne i Hercegovine osigurat će se sredstva za troškove koji nastanu u postupku izdavanja novih nalaza i mišljenja specijalističkih zdravstvenih ustanova za one korisnike prava koje nadležni institut uputi na pregled zbog potrebe donošenja konačnog nalaza i mišljenja i ostale postupke revizije prema ovom Zakonu.
- (3) Institut za medicinsko vještačenje će u saglasnosti sa federalnim ministrom utvrditi posebnu cijenu za izdavanje nalaza i mišljenja o postupku revizije prema ovom Zakonu.

#### Član 17.

(Propisi koje donosi federalni ministar)

- (1) Uz saglasnost Vlade Federacije Bosne i Hercegovine, federalni ministar će u roku od 15 dana od dana stupanja na snagu ovog Zakona donijeti bliže propise i to:
- pravilnik o formiranju i radu revizorskih timova i Revizorskog tima za koordinaciju,
  - uputstvo o korištenju dokumentacije iz arhiva i potrebne instrukcije, kao i sadržaj obrazaca,
  - sporazum sa Institutom o provođenju revizije u skladu sa ovim Zakonom,
  - pravilnik o načinu i postupku vršenja revizije prema ovom Zakonu.

#### Član 18.

(Početak i trajanje isplate)

Sve isplate izvršene do stupanja na snagu ovog Zakona su definitivne i konačne.

#### Član 19.

(Ravnopravnost spolova)

Sve imenice koje se odnose na nosioce pojedinih prava upotrijebljene u ovom Zakonu samo u muškom ili samo u ženskom rodu odnose se na oba spola.

#### Član 20.

(Stupanje na snagu Zakona)

Ovaj Zakon stupa na snagu narednog dana od dana objavljivanja u "Službenim novinama Federacije BiH".

Predsjedavajući Doma naroda Parlamenta Federacije BiH Stjepan Krešić, s. r.	Predsjedavajući Predstavničkog doma Parlamenta Federacije BiH Safet Softić, s. r.
--	--

Temeljem članka IV.B.7. a)(IV) Ustava Federacije Bosne i Hercegovine, donosim

### UKAZ

#### O PROGLAŠENJU ZAKONA O PROVOĐENJU KONTROLE ZAKONITOSTI KORIŠTENJA PRAVA IZ OBLASTI BRANITELJSKO-INVALIDSKE ZAŠTITE

Proglašava se Zakon o provođenju kontrole zakonitosti korištenja prava iz oblasti braniteljsko-invalidske zaštite koji je donio Parlament Federacije BiH na sjednici Zastupničkog doma od 22. prosinca 2009. godine i na sjednici Doma naroda od 22. prosinca 2009. godine.

Broj 01-02-558/09  
29. prosinca 2009. godine  
Sarajevo

Predsjednica  
Borjana Krišto, v. r.

### ZAKON

#### O PROVOĐENJU KONTROLE ZAKONITOSTI KORIŠTENJA PRAVA IZ OBLASTI BRANITELJSKO-INVALIDSKE ZAŠTITE

##### I. TEMELJNE ODREDBE

#### Članak 1.

(Korisnici prava koji podliježu kontroli zakonitosti)

Ovim se zakonom uređuju uvjeti, način i postupak provedbe kontrole zakonitosti korištenja prava svih korisnika prava ostvarenih po propisima iz oblasti braniteljsko-invalidske zaštite i povoljnijeg umirovljenja (u daljnjem tekstu: Revizija), i to:

- Zakona o pravima branitelja i članova njihovih obitelji ("Službene novine Federacije BiH", br. 33/04, 56/05 i 70/07);
- Zakona o posebnim pravima dobitnika ratnih priznanja i odlikovanja i članova njihovih obitelji ("Službene novine Federacije BiH", br: 70/05, i 61/06);
- Zakona o pravima razvojačenih branitelja i članova njihovih obitelji ("Službene novine Federacije BiH", br. 61/06, 27/08 i 32/08);
- Uredbe o povoljnim uvjetima za stjecanje prava na starosnu mirovinu vojnih osiguranika Vojske Federacije Bosne i Hercegovine ("Službene novine Federacije BiH", br. 02/00 i 21/01);
- Uredbe o povoljnim uvjetima za stjecanje prava na starosnu mirovinu vojnih osiguranika Vojske Federacije Bosne i Hercegovine ("Službene novine Federacije BiH", br. 18/04, 27/04 i 47/04);
- Uredbe o stjecanju prava na starosnu mirovinu pod povoljnim uvjetima pripadnika bivše Vojske Federacije Bosne i Hercegovine i državnih službenika i namještenika